



Bosna i Hercegovina  
Federacija Bosne i Hercegovine  
Kantonalno tužilaštvo  
Kantona Sarajevo

Broj: T09 0 KTPO 0121186 18  
Sarajevo, 10.04.2019. godine i  
22.04.2019. godine

**BEĆIRBEGOVIĆ IBRAHIM**  
Ul. Miševići br. 167 Hadžići  
71 000 Sarajevo

Na osnovu člana 231. stav 3. Zakona o krivičnom postupku Federacije Bosne i Hercegovine, obavještavamo Vas da je dana 10.04.2019. godine, donesena Naredba da se istraga neće provoditi protiv Mujić Mirsada i dr., **Zbog krivičnog djela zloupotreba položaja ili ovlaštenja iz čl. 383 KZ F BiH i krivičnog djela sklapanje štetnog ugovora iz čl. 252 KZ F BiH, jer iz prijave i pratećih spisa proizlazi da ne postoji osnov sumnje da su prijavljeni počinili navedena krivična djela.**

Naime, BH Pošta d.o.o. Sarajevo je dana 22.03.2019.godine, postupajući po Zahtjevu tužilaštva od 15.03.2019.godine dostavila informaciju iz koje proizlazi da navedeno društvo nema ni jedan sklopljen ugovor pod brojem 238-1-2-186-3-47716 na koji se poziva podnosilac prijave, kako je to prethodno navedeno uz napomenu da postoji ugovor o nabavci usluge održavanja INKJET Sistema za kontinuiranu štampu na godišnjem nivou sa ugovornom stranom izvršioca MP Sistemi d.o.o. Slovenija od 31.05.2016.godine, kojim ugovorom je propisan period važenja, a to je period od 1 godine, odnosno do iscrpljenja finansijskih sredstava.

Iz predmetnog Ugovora proizlazi da je isti zaključen na osnovu procedure pokretanja postupka nabavke od strane nosioca posla aktom od 11.03.2016.godine, te je objavljeno obavještenje o nabavci od 30.03.2016.godine o provođenju otvorenog postupka nabavke predmetne usluge, a shodno provedenoj proceduri analize ponuda i donesenoj odluci o izboru zaključenog gore pomenutog ugovora koji je u cijelosti implementiran prije vremena na koji je zaključen, zbog povećanih zahtjeva klijenata odnosno povećanja obima posla, te je shodno zahtjevu nosioca posla bilo neophodno ugovoriti održavanje za dodatne količine, nakon čega je pokrenuta procedura shodno odredbama Zakona o javnim nabavkama za nabavku usluge održavanja i INEJET Sistema u smislu da je nosilac posla (GPC), zahtjevom od 26.10.2016.godine, pokrenuo proceduru za pokretanje postupka nabavke, a shodno kojem je objavljeno obavještenje o nabavci putem otvorenog postupka nabavke od 21.11.2016.godine, te je nakon donošenja odluke o izboru i proteka vremena za žalbu zaključen ugovor o nabavci usluge održavanja INEJET Sistema za kontinuiranu štampu na četveromjesečnom nivou sa ugovornom stranom izvršiocom MP Sistem d.o.o. Ljubljana br. 01-13.60-45/17 i br. 01-29/17 od 31.0.12017.godine. Iz navedene informacije od 22.03.2019.godine, proizlazi da je otvoreni postupak najtransparentniji postupak nabavke u kojem svi ponuđači i domaći i strani učestvuju na ravnopravnoj osnovi, a u provedenom postupku nabavke nije bilo žalbe po bilo kojem osnovu od bilo kojeg potencijalnog ponuđača, te je postupak nabavke

u potpunosti proveden u skladu sa odredbama Zakona o javnim nabavkama, odnosno zakonskim i podzakonskim propisima i propisima Društva koje reguliše procedure nabavke.

Kada je u pitanju ugovor od 31.01.2017.godine, isti je zaključen na period od 4 mjeseca, jer je po navodima iz informacije u planu za tu godinu bila predviđena nabavka novog printera za kontinuiranu štampu čije bi održavanje bilo povoljnije za društvo, te ugovoranje održavanja INJET sistema za duži period ne bi imalo smisla. Oba ugovora su zaključena shodno tada iskazanim potrebama društva, odnosno glavnog poštanskog centra, te imaju za cilj maksimalnu zaštitu interesa društva u vezi čega su predviđene obaveze dostavljanja bez uslovnih bankarskih garancija u cilju obezbjeđenja dobrog izvršenja ugovora. kada je u pitanju izbor najpovoljnijeg ugovora za društvo preduzeće se rukovodilo time da je cijene jednog Clica u ugovoru broj: 01-13.60-182/16 od 31.05.2016.godine, bila 10 Eura, dok je cijena Clica u narednom ugovoru br. 01-13.60-45/17 od 31.01.2017.godine, bila 09,20 Eura, što pokazuje da je drugi ugovor bio povoljniji za društvo.

U prilogu navedene informacije nalazi se Izjašnjenje Glavnog poštanskog centra od 22.03.2019.godine, iz kojeg proizlazi da je INJET Sistem čija je funkcija da vrši digitalnu štampu dokumenata, te fizičku doradu i slaganje dokumenata čiji je jedan od osnovnih modula INJET štampač, te je neophodno da zbog izvršenja Pošte prema klijentima ovaj sistem uvijek bude funkcionalna i operativan, te je kao takav instaliran još 2010.godine i od tada se kontinuirano održava potpisivanjem ugovora o održavanju sa firmama koje su osposobijene i certificirane za to. Dana 31.05.2016.godine, JP BH Pošta d.o.o. Sarajevo sklopila je ugovor sa firmom MP Sistemi d.o.o. Slovenija o nabavci usluge održavanja INJEK Sistema na godišnjem nivou, koji ugovor je potpisan nakon provođenja otvorenog postupka javne nabavke shodno odredbama Zakona o javnim nabavkama BiH, nakon čega je povećanje obima usluga prema klijentima dovelo do toga da se predmetni ugovor finansijski realizuje prije isteka od jedne godine, na koliko je zaključen, te u cilju kontinuiteta u radu shodno pravilima javnih nabavki pokrenut je novi postupak javne nabavke koji je rezultirao potpisivanjem novog ugovora od 31.01.2017.godine, na period od 4 mjeseca po najpovoljnijoj cijeni, s obzirom na cijene ponuđača, u prilogu informacije od 22.03.2019.godine, nalazi se i zahtjev GPC, kao nosioca posla od 11.03.2016.godine, kojim se zahtijeva pokretanje postupka javne nabavke i donošenje odluke koja se odnosi na nabavku usluge održavanje opreme INKJET Sistema kroz otvoreni postupak.

U prilogu informacije nalazi se i obavještenje o nabavci od 30.03.2016.godine, kojim je definisan predmet ugovora, te pravne, ekonomske, tehničke i druge informacije koje su vezane za navedeni ugovor, odnosno, nabavku.

U prilogu informacije nalazi se i dopuna zahtjeva za pokretanje postupka javne nabavke i donošenje odluke koja se odnosi na nabavku usluge održavanje opreme INJEK Sistema od 26.10.2016.godine, na četveromjesečnom nivou kroz otvoren postupak.

U prilogu informacije se nalazi preciziran zahtjev BH Pošte d.o.o. Sarajevo koji se odnosi na uslugu održavanje opreme INJEK Sistema, a iz koje proizlazi da trenutno važeći ugovor o održavanju opreme INJEK Sistema ističe u decembru 2016.godine, te da je zbog većeg broja printeve neophodno hitno pokrenuti postupak nabavke usluge, održavanja predmetne opreme na četveromjesečnom nivou

U prilogu informacije nalazi se i obavještenje o nabavci od 21.11.2016.godine, koji se odnosi na nabavku usluge održavanje INJET Sistema na četveromjesečnom nivou sa pravnim, ekonomskim i dr. informacijama koje se veću za istu.

Uzimajući u obzir informaciju JP BH Pošte d.o.o. Sarajevo sa priložima iz kojih je vidljivo da je navedeno društvo postupalo u skladu sa odredbama zakona o javnim nabavkama i dr., zaključujući ugovor koji se odnosi na održavanje INJET Sistema, sa izvršiocima MP Sistemi d.o.o. Slovenija, te kako iz navedene informacije proizlazi da je pomenutih izvršilac imao najpovoljniju ponudu, te posebno cijeneći razloge zbog kojih je JP BH Pošta d.o.o. Sarajevo pristupila zaključenju navedenih ugovora, a koji se odnose na povećan obim posla i potrebu da predmetni sistem uvijek bude funkcionalan i bez zastoja u radu, kao i cijeneći razloge zbog kojih je navedeni ugovor, a kako je to već prethodno naveden zaključen na period od 4 mjeseca, te posebno cijeneći dokumentaciju koju je dostavila JP BH Pošta d.o.o. Sarajevo, a koja se odnosi na proceduru raspisivanja javne nabavke, koja je imala za cilj nabavke pomenute usluge održavanja navedenog sistema, to je ovo tužilaštvo uzimajući sve navedeno smatra da u konkretnom slučaju ne postoji osnov sumnje da su prijavljeni počinili krivična djela koja im se stavljaju na teret, zbog čega je i donesena odluka kao u dispozitivu.

Obavještavamo vas da u smislu čl.231. st. 4. ZKP-a F BiH imate pravo podnijeti pritužbu u roku od osam (8) dana Uredu tužioca.

